

元和縣志卷之十七

第宅 坊表附

詩有云高山仰止景行行止蓋古先喆人雖往而溯其里居訪其遺址猶敬段于者式其廬過高陽者表其里所謂地以人傳也若夫坊以表德成周旌淑之旨寓焉彙而存之不獨舊德名賢流徽未泯而瞻綽楔而樹風聲後有作者其亦知所興起也夫志第宅

周

元和縣志

卷十七 第宅

一

澹臺滅明宅在寶帶橋之西史記滅明南游至江索隱註謂吳國東南有澹臺湖卽其遺跡吳地記以爲滅明宅所陷云

漢

越王搖宅在搖城 俗譌呼姚盛 高帝時王佐諸侯平秦卽

吳王子所居封之以奉越後

顧訓宅在百曰橋訓東漢人五世同居聚族百口因以名橋吳郡志訓歲朝會集子孫依次行酒雖三以下並自知位次

鬱林太守陸績宅在臨頓里後捨爲寶光寺門有巨石卽鬱林石也明初遷寺石沒民家宏治間易名廉石移北察院左吳寬記今置郡學况公祠前

吳

陳丞相宅今東禪教寺亦烏間其宅生瑞蓮遂捨爲寺

晉

高士戴顓宅今北禪寺唐司勳郎中陸洿嘗居之有

花橋水閣以追其事

見白居易詩

元和縣志

卷十七

第宅

二

齊

高士何求宅在武邱山弟點允亦隱此

唐

處士陸龜蒙宅在臨頓橋皮日休云郭郭曠若郊墅

龜蒙幽居賦序云陸子居全吳東距長洲故苑一

里又去泰 勾吳通侯舊里地接虎邱門臨鶴市

光祿大夫許台宅在臨頓路東景福五年捨爲天宮

寺

魏公元絳宅在帶城橋西北絳嘗叅豫大政引年歸  
老知州章帖爲建袞繡坊

長史蘇舜欽宅在南園今名蘇家巷

右史上官渙西宅在仁美坊中有採菊堂

仁美坊今名南顯子

巷

方惟深宅在城東惟深本莆田人父龜年爲屯田郎  
卒葬長洲因家焉以過黯澹灘詩王荆公器之遂  
游其門授興化軍助教歸隱故廬部使守帥下車  
恒卽廬訪之

元和縣志

卷十七

第宅

三

鄱陽守鄭希尹宅在帶城橋

進士周沔宅在縣治東北與方子通爲隣有蓬齋  
著作郎張幾道宅在萬壽寺橋王荆公脩三經義幾  
道與焉

袁襄簡公珣宅在東吳鄉蛟龍浦之赭墩珣官京西  
提刑觀察使從高宗南渡保障東吳因家焉

五柳堂山陰簿胡稷言所居在臨頓里陸龜蒙故址  
也稷言棄官歸鑿圃疏池終隱於此子嶧文行繼  
其父又取老杜宅舍如荒村句名曰如村孫進士

百能知江山縣請老復築堂曰宜休云

都丞徐本中宅在帶城橋東淳熙初爲浙西提刑偶得元少保故宅葺治之寧宗御題其扁曰歲寒堂後以江東運副奉祠而歸

萬卷堂侍郎史正志所居在帶城橋南舊有石記爲僧磨毀

成齋在醋庫巷黃雲爲鄉先生授弟子經時所名也寧宗在嘉邸大書以賜之雲字景祥時爲淮西酒官子由淳熙八年狀元及第郡守韓彥質爲建狀

元和縣志

卷十七 第宅

四

元坊

萬華堂在資壽寺後 今濂溪坊北 提刑藍師稷所居師稷

字叔誠開封府人植牡丹至三千株多於洛中名

品後惟勝雲紅存焉

方使君萬里宅在帶城橋

壽樂堂呂浩叟宅也在虎邱浩叟嘗使元軍抗詞不

屈宋亡授淮東宣慰使不就隱此

元

尚士袁易宅在蛟龍浦之赭墩所居有靜春堂學者

稱爲靜春先生子平江教授泰重建福源山房  
王禕

南軒山人虞堪所居在甫里

宋克宅在南宮里自號南宮生後居婁門

萬戶侯宋通宅在閶門外急水橋東雙闌干橋西  
今有

木梁名  
宋家橋

隱君周仲達宅在青邱子思敬有野人居  
俱見高啓詩

明

戶部侍郎高啓宅在吳城東北張士誠據吳啓避於

元和縣志

卷十七 第宅

五

青邱洪武初被召官京師尋致政歸郡守魏觀嘗

同史館欲朝夕親與因徙之居夏侯里

徵士謝徽宅在甫里

眉壽堂怡雲軒徵士周興養親築也在甫里  
錢惟善記

鄱陽知縣趙文宅在甫里三元祠術弟兵部郎中宗

禮亦居此

福建僉事陳祚宅在葑門外名陳僉事巷

八理丞仰瞻宅在葑門外名仰家庄

察御史練綱宅在尹山

都御史韓襄毅雍宅在葑門內

本姜家街今名天賜莊

溪流環

帶竹木交蔭中有堂曰葑谿草堂

邱濬記

有進士都

憲兩坊

祭酒陳鑑宅在烏鵲橋東北有手書二大坊一石井

坊曰詞林及第并銘曰資爾山骨衛茲靈泉於千

萬年慶流涓涓後火燬宅廢五嶽山人黃省曾卽

其地結廬棲隱有曲林草堂自得齋

王守仁題

工部侍郎孔鏞宅在清道橋南後圃有泉曰墨池今

稱孔夫子巷

元和縣志

卷十七 第宅

六

大 工部主政沈鎧建在甫里鎧未第時日與兄

鍾誦讀其士卒以成名有雙進士坊在衆安橋西

三辰堂工部主事顧餘慶築也在葑門

太保岳正書額宗伯吳寬

記

左都御史陳璠宅在大姚孫白陽山人淳亦居此

處士邢量宅在葑門外

今名邢家街

從孫參亦居此後棄

去誅茆於埜云

處士朱存理宅在葑門外朱凱亦同里

樂亭知縣蔣廷貴宅在甫里鄧巷

今名蔣家圩

從姪參政

夢龍亦同里

山東巡撫沈林宅在官浦

少保陸完宅在甫里

順慶知府皇甫錄宅在孔夫子巷少司空孔鏞故宅

也子冲渚汭濂亦居此

樂安知縣顧蘭宅在臨頓里

刑部尚書錢邦彥宅在望信橋西七塔寺前巷

今名錢衙

前嘉靖戊戌巡撫張鳳為建尚書坊順治間重修

改題仰止三達

元和縣志

卷十七

第宅

七

少保嚴文靖訥宅在南倉橋西積慶寺前巷

今名嚴衙前

文靖祖籍吳中入相後築室於茲命長子中翰治

居之治子貢士桓構困學齋讀書其中有困學齋

記 文震孟書額

叅政金應徵宅在甫里衆安橋南子太僕士衡移居

平江路胡廂使橋北

給事陸粲宅在陳湖東

仁孝先生王敬臣宅在兵馬司橋東

今稱大儒巷

萬歷乙

酉建坊額其里曰仁孝里

大司馬顧其志宅在苑橋巷

高士居節宅在虎邱山塘

刑科給事吳之佳宅在善教橋東北有歸來草堂

名今

吳衙場

孫兵利給事适移居望門橋北有不動軒

侍御顧宗孟宅在天賜莊

司李王騰程宅在大儒巷子遵義知縣忠烈公佐聖  
亦居此

陳文莊公仁錫宅在葑門內下塘有白松堂白松河  
南軒轅臺故物也公奉使冊封周藩王以白松製

元和縣志

卷十七

第宅

八

帶贈之取爲堂額

貞孝先生朱祖文宅在袞繡坊

卹贈助教龔元祥宅在中營基巷

山東巡按宋學朱宅在葑門內下塘新造橋東

蘭谿知縣盛王贊宅在陽城湖濱

國朝

編脩江琬宅在閶門外下塘有茗華書屋琬給假歸

閉戶著述於此康熙甲子

聖駕南巡特賜御書一軸以懸於堂



進士蔣德峻宅在婁門又居甫里太平橋西

侍講尤侗宅在葑門新造橋東有七業堂玉青堂康

熙己卯

翠華巡幸特恩召對

御題鶴栖堂額以賜之

禹城知縣許定升宅在甫里東美橋之西弟永州知

府虬亦同里

宗伯韓菼宅在婁門明萬歷間菼祖丙午孝廉黃巖

縣令治始居此宅有開雲堂

文震孟書

寒碧齋紺雪齋

元和縣志

卷十七

第宅

九

皆董其昌書

明末兵燹半為荒土菼重加脩築更葺剏

軒歸愚咫閒斗室臨流構敞宇遙望西山作廬墓

圖懸於壁誌白雲思親意

御題有懷堂額以賜焉

侍講彭定求宅在葑門蘇家巷西有衣言堂定求父

進士瓏重葺并構讀書處曰志矩齋

戴易書

定求復

於宅後作堂顏曰南昀草堂

宋曹書

侍郎彭啓豐宅在南昀草堂東啓豐闢以奉母者乾

隆十六年

御賜慈竹春暉匾額因度隙地規爲小園中有蘭陔  
堂環蔭室含清閣幔仙閣延綠軒可眺矚南園勝  
景

尚書沈德潛宅在潤街頭巷有

御賜教忠堂額裘侍郎曰修書內懸

御賜詞宗耆碩道存風雅鶴性松身

玉音學有本源蓬瀛人瑞諸匾額

九賚閣在竹墩尚書沈德潛藏

賜序

元和縣志

卷十七 第宅

十

賜詩所

賜佛龕在竹墩尚書沈德潛供

御賜金佛處

清曠樓尚書沈德潛舊宅

惠侍講士奇宅在學宮南清溪中有研溪書屋庭植

紅豆樹樹分自東禪寺六十年一花東禪旣遭斬

伐惟研溪書屋獨存乾隆壬戌盛開

右第宅

明

世美坊在婁門內迎 坊西景泰四年爲癸酉科舉  
人尤淳立

進士坊二在葑門外衢浜爲天順丁丑張翥宏治庚  
戌張約立

世掌臺綱坊在閶門外下塘下津橋東成化丁未爲  
御史毛瑄立

宮詹坊在葑門外靈官廟南爲少詹周詔立  
旌義坊在葑門外普福橋西宏治五年爲邑人盧珪

賑饑立

元和縣志

卷十七 第宅

十一

大學士坊在閶門外山塘橋西爲吳寬立

殿中執法坊在閶門外下津橋東爲御史徐申立

經元肅憲坊在甫里廣濟橋東嘉靖元年爲都察院  
司務陸山立

人瑞坊在葑門外嘉靖時爲張灝妻薛氏年百歲立  
進士坊在婁門內爲隆慶戊辰進士韓世能立

清朝法從坊在有橋西萬歷時爲山西監察御史丁  
元復父丁世熙立

屏碩望坊在甫橋西爲浙江布政使司丁元復立

大學士坊在婁門外接官亭萬歷時爲少師申時行立

貞義坊在甫里萬歷十八年爲貞女何氏立

三節坊在葑門外天啓初爲周稱側室董氏吳會妻姜氏周倫妻蔡氏立

坤儀毓德坊在葑門程橋東崇禎九年爲嘉定伯周奎立

澤被東南坊在虎邱山塘崇禎十六年爲應天巡撫張國維立

元和縣志

卷十七

第宅

十一

旌烈坊在乘鯉橋東葛百戶巷崇禎末勅建爲陣亡

千總周嘉殉節王氏立

旌節坊一在葑門內折桂橋東爲生員顧兩疏妻莊

氏一在山塘爲贈行人司汪大訓妻程氏一在爨

亭爲生員龔汝騏妻姜氏一在甫里爲許自學妻

褚氏立

國朝

德崇宇宙坊在虎邱山塘順治初爲平治江南刑部

左侍郎李延齡立

恪勤斯稱坊在虎邱爲宗人府顧汧立

樂善好施坊在寒山寺浜爲贈通議大夫戈元鑰立  
至行堪嘉坊在長元學宮東地三畝爲 旌表孝子

朱之勳立

文孝子坊在蕭家巷爲 旌表孝子文齡立

唐孝子坊在虎邱山塘爲 旌表孝子唐肇虞立

雙節坊在地二畝南園木杏橋南爲張學堪妻何氏

張學洙妻邢氏立

節孝坊在虎邱山塘爲貝啓祚妻 旌表節婦程氏

元和縣志

卷十七 第宅

十三

立

旌節坊一在婁門外滕王浜爲郁士賢妻聞氏一在

山塘泰定橋爲程應斗妻姚氏一在曹胡徐巷爲

盛應蛟妻張氏一在同芳巷爲沈永貞妻范氏一

在婁門外爲羅載元妾朱氏一在郭巷爲施爾宏

妻李氏一在胡廂使橋巷爲陶士龍妻高氏一在

中營基巷爲邱文濂妻沈氏立一兩世三節坊在

葑門內天賜莊折桂橋東爲生員顧宗周妻唐氏

生員顧宗齡妻趙氏顧溱側室沈氏立一坊在葑

門外尹山鎮爲太學生許其成妻陸氏立雍正八  
九年後窮簷苦節俱得上陳表揚母節者隨在建  
坊矣故不及備書

元和縣志卷之十七

元和縣志

卷十七

第宅

十四